

三才圖會

三才圖會

雲間元翰父王圻編集

男思義校正

人物九卷

釋家宗派授受圖畧

釋迦牟尼佛圖

三十三祖圖

布袋和尚圖

十八羅漢尊者圖

釋迦宗派授受圖畧

優羅陀

淨飯王

釋迦文佛

摩訶男

懿師摩

大善生王

斛飯王

難陀尊者

阿那律

瞿羅

甘露飯王

阿難尊者

提沙尊者

尼浮羅

師子頰

白飯王

甘露味女

一祖摩訶迦葉尊者

二祖阿難尊者

三祖商那和修尊者

四祖優波鞠多尊者

五祖提多迦尊者

六祖彌遮迦尊者

七祖婆須密尊者

八祖佛陀難提尊者

九祖伏駄蜜多尊者

十祖脇尊者

十一祖富那夜奢尊者

十二祖馬鳴大士

十三祖迦毘羅大士

十四祖龍樹大士

十五祖迦那提婆大士

十六祖羅候羅多大士

十七祖僧迦難提大士

十八祖伽那舍多大士

十九祖鳩摩羅多大士

二十祖闍夜多大士

二十一祖婆修盤頭大士

二十二祖摩那羅大士

二十二祖鶴勒那大士 二十四祖師子尊者

二十五祖婆舍斯多尊者 二十六祖不如蜜多尊者

二十七祖般若多羅尊者 二十八祖菩提達磨尊者

二十九祖慧可尊者 東土二祖 三十祖僧粲尊者 東土三祖

三十一祖道信尊者 東土四祖 三十二祖弘忍尊者 東土五祖

三十二祖慧能尊者 東土六祖

釋迦牟尼佛



釋迦牟尼佛姓刹利初生時放大智光明照十方世界地湧金蓮華自然捧雙足分手指天地作獅子吼聲卽周昭王二十四年四月八日也年十九出家檀特山中修道至穆王三年明星出時成佛號天人師時年三十矣旣而於鹿野苑中轉四諦法輪而論道說法任世四十九年後以清淨正法付弟子摩訶迦葉授以偈言云法本法無法無法亦法今付無法時法法何曾法爾時至拘尸那城娑羅雙樹下右脇累足泊然宴寂時穆王五十二年二月十

五日

一祖摩訶迦葉尊者

三才圖會

人物九卷



摩訶迦葉尊者姓婆羅門先是四衆爲毘婆尸佛起塔塔
中像面金色缺壞時有貧女將金珠往金師所爲飾佛面
因共發願願我二人爲無姻夫妻由是因緣九十一劫身
皆金色後生中天摩竭陀國婆羅門家名曰迦葉彼此云
飲光勝尊蓋以金色爲號也繇是志求出家冀度諸有受
清淨法眼於世尊嘗結集於耆闍崛山賓鉢羅國因阿那
比丘多聞總持有大智慧乃以偈授之法法本來法無法
無非法何於一法中有法有不法說偈已乃持僧伽裂衣
入雞足山俟慈氏下生時周孝王五年

二祖阿難尊者



三才圖會

六人附九卷



二祖阿難尊者王舍城人也姓利帝利白飯王之子釋迦
如來之從弟姓名阿難陀此云慶喜亦名歡喜投佛出家
多聞博達智慧無礙世尊乃命爲侍者至是垂入涅槃至
宛伽河五百羅漢自空而下中有二羅漢一曰商那和修
一曰末底迦尊者知其皆大法器而命之曰昔如來以正
法眼藏付大迦葉入定而付於我我今將滅用傳汝等當
聽偈言本來付有法付了言無法各各須自悟悟了無無
法已而尊者踊身虛空現十八變入風奮迅三昧而滅各
分舍利起寶塔供養之此周夷王之世也

三祖商那和修尊者



商那和修尊者姓毘舍多在胎六年而生先是如來行化至摩空羅國見一青林枝葉茂盛語阿難曰此地百年後當有比丘善人於此轉妙法輪後百年果誕和修出家證道一日遊吒利國得優婆塞多以爲給侍因問曰汝年幾耶答曰我年十七師曰汝身十七性十七耶答曰師髮已白爲髮曰耶爲心白耶師曰我但髮白非心白也答曰我身十七非性十七也師知是法器遂以偈授云非法亦非心無心亦無法說是心法時是法非心法後乃化火光三昧用焚其身時宣王二十三年也

四祖優波鞠多尊者



優波瓊多尊者姓首陀十七出家二十證果竭其魔力以
害法一日伺尊者入定密持瓊絡縻之於頸及尊者出定
乃取人狗蛇三屍化爲花鬘曰汝與我瓊絡吾以花鬘相
酬波旬引頸受之卽變爲三種臭屍竭已神力不能解脫
尊者曰汝可歸依三寶魔王合掌三唱花鬘悉除尊者在
世化導最多每度一人以一籌置于石室其室盡皆克滿
以偈授香衆云心自本來心本心非有法有法有本心非
心非本法說已乃踊身虛空呈十八變然後跏趺而逝時

平王三十一年

五祖提多
迦尊者



三才圖會
五祖提多迦尊者摩伽陀國人也未詳其姓初名香衆梵
語提多迦初從毘多尊者求出家毘多曰汝身出家心出
家耶香衆曰我來出家非爲身心毘多喜卽爲剃落受具
足戒行化至中印度有大仙者八千人首曰彌遮迦帥衆
詣尊者求出家尊者曰昔如來以大法眼密付大迦葉展
轉至於我我今付汝遂宣偈曰通達本心法無法無非法
悟了同未悟無心亦無法偈已尊者起身太虛作十八變
用火光二昧而自焚之收其舍利建塔供養此周莊王之
世也

六祖彌遮尊者



六祖彌遮迦尊者中印人也未詳姓氏一日至北天竺國市中一人持酒器迎祖曰尊者識我手中物否祖曰此是觸器而負淨者祖曰汝可自道姓氏其人遂說偈曰我今生此國復憶昔時日本姓頗羅墮名字娑須密遂攝受爲其剃度以圓戒德尋命之曰我將般涅槃如來正法眼藏今以付汝聽我偈曰無心無可得說得不名法若了心非心始解心心法偈已尊者卽入獅子奮迅三昧騰身太虛高七多羅木却復本座化火自焚婆須密收靈骨舍利以七寶函貯之建塔供養此周襄王之世也

婆須密尊者



婆須密尊者姓頗羅墮常服淨衣執洒器游行里閤或行
或嘯人謂之狂及遇彌遮迦尊者宣如來往誌遂投器出
家授法行化至迦摩羅國遇一智者自稱我名佛佗難提
今與師論義師曰仁者論卽不義義卽不論若擬論義終
非義論難提欽伏卽曰我願求道沾甘露味師遂授以如
來正法乃說偈曰心同虛空界示等虛空法證得虛空時
無是非無法說已卽入慈心三昧示涅槃相時定王十九
年

佛陀難提尊者



佛陀難提尊者姓瞿曇氏頂有肉髻辯捷無礙行化至提伽國城毘舍羅家遇一長者出致禮問何所須尊者曰我求侍者曰我有一子名伏駝蜜多年已五十口未能言足未能履尊者曰此子昔曾遇佛悲願廣大慮父母愛情難捨故不言不履耳其子聞言遽起禮拜長者乃令受戒出家師因以如來正法囑令行持且授偈云虛空無內外心法亦如此若了虛空故是達真如理說已卽現神變却復本座儼然宴寂卽景王十二年

伏駄蜜多尊者



伏馱蜜多尊者姓毘舍羅既受佛陀難提付囑遂至中印度行化時有長者香蓋携一子來禮尊者曰此子處胎六十年因號難生曾會一仙者謂此兒當爲法器今遇尊者欲令出家尊者卽與落髮受戒羯磨之際祥光滿座仍感舍利三五粒現前自此精進忘疲師乃付以如來正法眼藏且授偈曰真理本無名因名顯真理受得真實法無真亦無僞付法畢卽入滅盡三昧衆以香油旃檀闍維真體收舍利建塔於那爛陀寺卽敬王二十五年也

脇尊者



三才圖會

人物九卷

十四

脇尊者本名難生後值伏馱尊者執侍左右未嘗睡眠謂
脇不至席遂號脇尊者焉將誕時父夢一白象背有寶座
座上安一明珠從門而入光照四衆既覺遂生後受法行
化至華氏國憇一樹下時有長者一子名富那夜奢合掌
前立尊者問汝從何來答曰我心非往尊者曰汝何處住
答曰我心非止尊者曰汝不定耶曰諸佛亦然尊者曰汝
非諸佛曰諸佛亦 尊者乃曰汝來大法眼藏今付於汝
授偈曰眞體自然眞因眞說有理領得眞眞法無行亦無
止付法訖卽入涅槃化火自焚時貞王二十二年

富那夜
奢尊者



十一祖富那夜奢尊者華氏國人也姓瞿曇氏父寶身既得法於脇尊者至波羅柰國有馬鳴大士皈依求度祖謂衆曰此大士者昔爲毘舍利國王其國有一類人如馬裸露王運袖遍分身爲蠶彼乃得衣後復生中印度馬人感戀悲鳴因號馬鳴祖因謂大士曰如來記云吾滅度後六百年當有賢者馬鳴於波羅柰國摧伏異道度人無量繼吾傳化今正是時卽告之曰如來大法眼藏今付於汝聽吾偈曰迷悟如隱顯明暗不相離今付隱顯法非一亦非一付法已卽現神變湛然圓寂建寶塔以塹此周安王

世之

馬鳴尊者



三才圖會

人物志卷



十六

馬鳴尊者既受法於夜奢尊者有魔來與校力空中忽現一大金龍奮發威神震動山岳師儼然於坐魔事隨滅經七日有一小蟲潛形坐下師曰此乃魔所變盜聽吾法耳告之曰汝皈依三寶卽得神通魔遂復本形作禮懺悔師曰汝名誰耶有何神力答曰我名迦毘摩羅能化巨海師曰汝能性海否曰何謂性海師曰山河大地三昧六神皆由茲發現迦毘摩羅聞言悟心遂末剃度師乃示偈云隱顯卽本法明暗元無二今付悟了法非取亦非離偈已卽挺身空中如日輪相然後示滅卽顯王二十七年

迦毘摩羅尊者



迦毘摩羅尊者於馬鳴尊者得法至西印度國城北大山
一石室逢一大蟒盤繞師身師因與受三皈依蟒聽訖而
去將至石室遇一老人我昔爲比丘因自起嗔恨墮爲蟒
身適聞尊者法戒故來謝耳有大樹蔭覆五百龍衆其樹
王名曰龍樹嘗爲龍衆說法見尊者默念曰此師得決定
性明道眼否是大聖繼真乘否師曰但辦出家何憂不聖
因授以偈云非隱非顯法說是真實際悟此隱顯法非愚
亦非智付法已卽現神變化火焚身時赧王四十一年

龍樹尊者



龍樹尊者受法於毘羅尊者後至南印度聞尊者說法私相謂曰徒言佛性誰能見之尊者乃於地上湧出白蓮座現自在身如滿月輪有一長者子名迦那提婆謂衆曰識此相否此是尊者現佛性體相以示我等益以無相三昧形如滿月佛性之義廓然虛明言訖輪相卽隱彼衆感悟咸願出家尊者卽爲剃髮授戒最後乃告弟子迦那提婆曰如來大法今當付汝聽吾偈言爲明隱顯法方說解脫理於法心不證無嗔亦無喜付法已卽入月輪三昧凝然圓寂時始皇三十五年也

十五祖迦那提婆大士

三才圖會

人物九卷

十九



十五祖迦那提婆大士南天竺國人也姓毘舍羅謁龍樹
龍樹先以滿鉢盛水置座前提婆以一針投之欣然契會
至迦毘羅國有長者曰梵摩淨德園樹生耳如菌隨取隨
長長者問菌所自祖曰汝家曾供養一比丘道眼不明虛
需信施報爲木菌乃說偈曰人道不通理復身還信施汝
年八十一其樹不生耳長者年八十一樹果不生菌長者
捨第二子羅睺羅多隨祖出家付以偈曰本對傳法人爲
說解脫理於法實無證無終亦無始已而入奮迅三昧而
趣寂滅衆興塔塋焉此漢文帝之世也

羅喉羅多尊者

三才圖會

人物志卷二

二下



羅睺羅多尊者授法於迦那提婆尊者行化至室羅筏城
有河名曰金水中流忽見五佛影泝流而上見僧伽難提
安坐入定尊者問曰汝身定耶心定耶曰身心俱定尊者
曰身心俱定何有出入曰雖有出入不失定相難提心意
豁然卽求度脫尊者曰汝心自在非我所繫語已卽付法
眼偈云於法實無證不取亦不離法非有無相内外云何
起說偈後宴坐歸寂卽漢武帝二十八年也

僧迦難提尊者



僧迦難提尊者室羅筏城國王子也生而能言七歲卽厭
樂事懇求出家乃命禪利多爲之師一夕天光下屬尊者
見一路坦平不覺徐行約十里許至一大岩前有石窟焉
遂燕寂於中經十年行化至摩提國見山舍一童子持圓
鑑直造尊者前尊者曰汝手中鑑當何所表曰諸佛大圓
鑑內外無瑕翳兩人同得見心眼皆相似尊者曰繼吾道
者非子而誰卽付法偈云心法本無生因地從緣起緣種
不相妨華果亦復爾說偈已卽攀樹而化時漢昭帝十三
年

伽邪令多尊者

三才圖會

人物九卷



三十二


伽邪舍多尊者姓鬱頭藍初其母夢大神持鑑因而有娠
凡七日而誕肌體瑩若琉璃未嘗洗沐自然香潔幼好清
淨嘗持鑑出遊遇難提尊者得度領徒至大月氏國見婆
羅門舍有異氣尊者直入舍主鳩摩羅多問是何徒衆尊
者曰是佛弟子羅多聞佛號心神竦然卽時閉戶尊者自
扣其門羅多曰此舍無人尊者曰答無者誰羅多知是異
人遂開闢延接尊者因授法說偈云有種有心地因緣能
發萌於緣不相礙當生生不生付法已湧身虛空化火光
三昧自焚其身時漢成帝二十年

鳩摩羅多尊者



鳩摩羅多尊者婆羅門之子得道行化至中天竺國閻夜
多問曰我家素信三寶而嘗營療疾鄰家久爲旃陀羅行
而身常勇健彼何幸而我何辜尊者曰善惡之報有三時
焉縱經百千萬劫亦不磨滅夜多聞語乃釋所疑尊者曰
汝雖已信三業而未明業從惑生惑因識有識從心起心
本清淨無生滅無造作無報應一切善惡有爲無爲皆如
夢幻夜多領旨懇求出家尊者乃授偈曰性上本無生爲
對求人說於法旣無得何懷決不決言訖卽以指爪而如
蓮花放出大光明而入寂滅時新室十四年也

闇夜多尊者



闍夜多尊者北天竺國人智慧淵沖化導無量婆修盤頭
尊者將欲度之乃問彼衆曰此徧行頭陀可得佛道乎苦
行歷於塵劫皆虛妄之本耳衆曰尊者蘊何德行而譏我
師尊者曰我不求道亦不顛倒我不禮佛亦不輕慢我不
知足亦不貪欲心無所希名之曰道時徧行聞言歡喜讚
歎尊者曰汝久植衆德當繼吾宗聽吾偈言言下合無生
同於法界性若能如是解通達事理竟付法已卽奄然歸
寂時後漢明帝十七年

二十一祖婆
脩盤頭大士



三才圖會 卷九
二十一祖婆脩盤頭大士羅閱國人也姓毘舍法父光蓋
母嚴一年十一禮光度羅漢出家受戒尋遇闇夜多大士
激發大慧乃得付法行化至那提國彼國王名常自在王
有次子名摩拏羅王捨出家祖曰善哉大王能捨其子卽
與授具付法偈曰泡幻同無礙如何不了悟達法在其中
非今亦非古祖付法已泐身高半由旬屹然而住四衆瞻
仰虔請復座踟蹰而逝茶毘得舍利建塔此後漢安帝之
世也

摩訶羅
大士



二十二祖摩拏羅大士那提國常自在王之子年三十遇
婆修大士出家西印度王見一小塔衆莫能舉祖曰此阿
育王所造佛舍利塔也四面示相皆是釋迦世尊宿世修
道之跡今王有緣故出現耳言已舉之祖往月氏國鶴勒
那問祖曰我有何緣鶴衆隨我祖曰汝昔赴會龍宮汝弟
子衆隨從福薄德微墮於羽族今已五劫轉受鶴身曰以
何方便令彼解脫祖說偈曰心隨萬境轉轉處實能幽隨
流認得性無喜亦無憂鶴衆聞偈飛鳴而去祖跏趺而寂
鶴勒那闍維之歛舍利起塔供養此後漢桓帝之世也

鶴勒那尊者



鶴勒那尊者姓婆羅門年七歲遊行聚落覩民間淫祠叱之曰汝妄興禍福幻惑斯民傷害實多言訖廟貌忽然頽壞化臺中印度尊者爲說正法次忽見二人緋衣來拜尊者曰此是日月天子吾曾爲說法故來謝耳時有師子歸依尊者而問曰我欲求道當何用心尊者曰無所用心曰旣無用心誰作佛事尊者曰汝若有用卽非汝心汝若無作卽是佛事師子聞言領悟尊者乃以法眼付囑護持且授偈云認得心性時可說不思議了了無可得得時說知言訖現十八變而歸寂

師子比丘尊者



師子比丘尊者姓婆羅門有波利迦者本習禪定來謁尊者尊者曰仁者習定胡當來此既至於此胡云習定迦利聞言屈服尊者方求法嗣有長者引一子來問曰此子名斯多當生便拳左手迄長未舒願尊者示其宿因尊者即以手接曰可還我珠童子遽開手奉珠衆皆驚異長者遂捨其子出家尊者即與受具且示偈云正說知見時知見俱是心當心即知見知見即在今說偈畢乃以僧伽梨衣密付斯多宴然而寂時魏齊王二十七年

婆舍斯
多尊者



二十五祖婆舍斯多尊者劉賓國人也姓婆羅門父寂行母常安樂勝冠從師子尊者出家至中天竺國其王曰迦勝問曰此苑有泉熱不可採願爲決之祖曰此爲湯泉有三緣所致其一神業其二鬼業其三熱石王曰幸尊者驗之三緣此果何者而致之尊者曰此神業所致也卽命燕香臨水爲其懺悔須臾瀕水現一長人禮尊者曰我有微祐得遇尊者卽生人中故來辭耳已而遂隱後七日其水果清冷如常泉後現于神變化三昧火自焚其身德勝王剏浮圖而秘之時東晉明帝之世

不如蜜
多尊者

三才圖會

人物九卷

三十



二十六祖不如蜜多尊者南印度天德王第二子名不如
蜜多從婆舍斯多出家於王宮受具羯磨之際天地震動
婆舍斯多曰吾安可久留汝當善護正法眼藏普濟羣有
聽吾偈曰聖人說知見當境無非是我今悟真性無道亦
無理初婆舍斯多受師子比丘法衣不如蜜多聞偈已啓
曰法衣宜傳授耶曰此衣爲難故假以爲證汝身無難何
假其衣化彼十方人自信向後示寂滅闍維之夕舍利無
數

般若多羅尊者



般若多羅尊者東印度人行化至南印度彼國王施以無價寶珠問曰此珠圓明有能及否菩提多羅曰此是世寶未足爲上於諸寶中法寶爲上此是世光未足爲上於諸光中智光爲上若明是寶寶不自寶若辯是珠珠不自珠尊者歎其辯慧乃復問曰於諸物中何物無相曰於諸物中不起無相尊者乃以如來正法眼囑付且示一偈云心地生諸種因事復生理果滿菩提圓華開世界起付法已卽於座上舒左右手各放光明二十七道化火自焚舍利如雨時宋孝武帝大明元年

菩提達磨尊者



菩提達磨尊者姓利帝本名菩提多那後遇般若多羅尊者改號達磨演化本國遠近學者靡然向風時值異見王輕毀三寶師爲王懺悔前非王因泣謝師訓欽崇三寶一日師念行化時至汎重溟凡三週寒暑達於南海實梁普通八年也帝問如何是真功德師曰淨智妙圓體自空寂如是功德不以世求師知機不契合潛回江北寓止於嵩山少林寺面壁而坐終日默然人莫之測謂之壁觀時有僧神光者博覽羣書善談玄理聞師住止少林乃躬往參承師終面壁無語一夜天大雨雪光堅立不動遲明積

雪過膝師憫而慰問之然終無誨言光乃諧取利刀自斷
左臂置於師前師知是法器因與易名曰慧可師居少林
九年欲西返天竺乃命門人曰時將至矣汝等試各言所
得時門人道副曰如我所見不執文字不離文字而爲道
用師曰汝得吾皮尼總持曰我今所解如慶喜見阿閼佛
國一見更不再見師曰汝得吾肉道育曰四大本空五陰
非有而我見處無一法可得師曰汝得吾骨最後慧可體
拜後依位而立師曰汝得吾體乃以如來正法眼囑授慧
可示以偈云吾本來茲土傳教救迷情一花開五葉結果

自然成說已端居而逝卽後魏孝明帝大和十九年其徒
爲之塋熊耳山起塔於定林寺後二年魏宋雲奉使西域
廻遇師於葱嶺見手携隻履翩翩獨逝雲具奏其事帝令
啓壙視之惟見空棺一隻革履存焉舉朝驚異奉詔取遺
履供養於少林寺

慧可大師



慧可大師姓姬氏其母感異光照室因而懷妊遂名曰光自幼博覽三乘遺書好遊山水受戒於香山寶靜禪師一日忽見一神人謂曰大道匪遙汝其南矣翊日光覺頭痛如刺其師欲治之空中有聲曰此換骨耳師視其頂果如五峯秀出因謂曰神命汝南者其少林達磨大師乎光遂造少室因而得法受衣講法於少林寺天女爲之散花博求法嗣有一居士問師曰何爲佛法師曰是心是佛是心是法佛法無二僧寶亦然居士領悟師曰是吾寶也宜名僧璨因以正法授之委順時隋文帝十三年也

僧璨大師



僧璨大師初以白衣謁二祖既受度傳法遂隱於舒州皖公山積十餘載時人無有知者至隋開皇間有沙彌道信者年方十四來禮師曰願和尚慈悲乞與解脫法門師曰誰縛汝曰無人縛師曰既無人縛何更求解脫信於言下大悟服勞九載師屢試以玄微知其緣熟乃付以法衣且授偈云華種雖因地從地種華生若無人下種華地盡無生授偈畢復適羅浮山優游二載却旋舊址逾月士民奔趨大設檀供師爲四衆廣宣心要訖於法會大樹下合堂而終卽隋煬帝大業二年也

道信大師



道信大師姓司馬氏生而超異幼慕空宗旣嗣祖法攝心
無寐脇不至席者六十年住破頭山學侶雲臻一日往黃
梅路逢一小兒骨相奇秀師異之問曰子何姓曰是佛性
師曰汝無性耶曰性空故師知是法器卽詣其父母所乞
今出家師乃以衣法授之後貞觀中太宗嚮師道味詔付
京師上表遜謝前後三返竟以疾辭上復命使至曰如果
不起卽取首來師乃引頸就刃顏色不變使異之回以狀
聞帝乃賜珍繒以遂其志迄高宗時一日忽謂門人曰汝
等各自護念流化將來言訖端坐而逝

弘忍大師



弘忍大師姓周氏生而岐嶷遇信大師得法咸亨中有一居士姓盧名慧能來叅謁師曰嶺南人無佛性若爲得佛曰人有南北佛性豈異師知其異時有上座神秀者書一偈云身是菩提樹心如明鏡臺時時勤拂拭莫遣有塵埃師云菩提本非樹明鏡亦非臺本來無一物何假拂塵埃大師召慧能告曰無上正法吾今傳授於汝聽吾偈曰有情來下種因地果還生無情既無種無性亦無生能跪而受之師曰汝當遠隱逢懷卽止遇會且藏能禮足而出

慧能大師



慧能大師姓盧其先范陽人中宗遣內侍薛簡馳詔迎請
問如何明道師曰道無明暗明暗亦是代謝之義簡曰明
喻智慧暗況煩惱倘不以智慧照破煩惱無始生死憑何
出離師曰以智慧照煩惱此是一乘簡曰如何是大乘見
解師曰明與無明其性無二無二之性卽是實性性者處
凡愚而不滅在賢聖而不增住煩惱而不亂居禪定而不
寂不斷不常不來不去不在中間不在內外不生不滅性
相如如常住不遷名之曰道簡豁然大悟師涅槃異香
人白虹屬地時先天一年也

布 袋 和 尚



梁朝布袋和尚號長汀子在奉化鼎岳林寺常瞢腹荷一布袋凡供身之具盡貯其中隨處偃卧天將雨卽着濕草履途中驟行亢旱卽曳高齒木屐豎膝而坐貞明三年端坐而化

第一羅漢尊者



第一尊者結跏正坐蠻奴側立有鬼使者稽顙於前侍者
取其書通之

頌曰月明星稀孰在孰亡煌煌東方唯有啓明咨爾上座
及阿闍黎惟佛出世是大弟子

眉山蘇軾

贊曰結集甫周魔使來言爲再轉輪將遂涅槃我以緣來
亦以緣去不嗔汝逐不因汝住

瑯琊王世貞

第二羅漢尊者



第二尊者合掌趺坐蠻奴捧檣於前老人公之中有琉璃瓶貯舍利十數

頌曰佛無滅生通塞在人牆壁瓦礫惟法非身尊者歛手不起於坐示有敬耳起心則那

眉山蘇軾

贊曰佛有舍利諸天建塔我傳佛心焉用此物不作敬想不作慢想是故不起趺坐合掌

瑯琊王世貞

第三羅漢尊者



第三尊者扶烏木餐和正坐下有白猿猴獻果侍者執盤受之

頌曰我非標人人莫吾識是雪衣者豈具眼隻方食知獻何媿於猿爲語柳子勿憎王孫

眉山蘇軾

贊曰猿猴獻果俟我出定問汝何來有何佛性安知有無來自牛頭一失懶融了不可求

瑯琊王世貞

第四羅
漢尊者



第四尊者屈三指答胡人之問下有蠻奴捧因童子戲捕
龜者

頌曰彼問云何計數以對爲三爲七莫有知者雷動風行
屈信指間汝觀明月在我指端

眉山蘇軾

贊曰我聞天龍只一指禪用之不盡垂五十年屈指而三
將用三世或表三果皆置不視

瑯琊王世貞

第五羅漢尊者

三才圖會

人物九卷

四十四



第五尊者臨淵濤抱膝而坐神女出水中蠻奴受其書
頌曰形與道一道無不在天宮鬼府奚往而礙婉彼竒女
躍於濤瀧神馬尻輿攝衣從之

眉山蘇軾

贊曰尊者臨淵必無羨魚龍女何爲出而獻書賢劫所藏
經皆誑汝如來在坐默無一語

瑯琊王世貞

第六羅漢尊者



第六尊者右手支頤左手拊髀獅子顧視侍者擇瓜而剖之

頌曰手拊雛睨目視獻瓜甘芳之意若達於面六塵並入心亦徧知卽此知者是大摩尼

眉山蘇軾

贊曰獸中擒王此釋師子一念皈依立失王位帝釋懷憂來問尊者不貪血食天食奚取

瑯琊王世貞

第七羅漢尊者

三才圖會

人物九卷

四十六



第七尊者臨水側坐有龍出焉吐珠手中胡人持短錫杖
蠻奴捧鉢而立

頌曰我以道眼爲傳法宗爾以願力爲護法龍道成願滿
見佛不忤盡取玉函以畀思邈

眉山蘇軾

替曰念汝吐珠爲汝說法易王得汝飢不能噉汝珠一獻
遂不復再我說法竟我法常在

瑯琊王世貞

第八羅漢尊者



第八尊者立膝而坐加肘其上侍者汲水過前有神人湧出於地捧盤獻玉

頌曰爾以捨來我以慈受各獲其心寶則誰有視我如爾取與則同我爾福德如四方空

眉山蘇軾

贊曰入無想定我不自見何物神人乃以寶獻我有一寶不堪汝嘗驚王食之依舊驚王

瑯琊王世貞

第九羅漢尊者



第九尊者食已撲鉢持數珠誦呪而坐有童子搆火具茶
又有理筒注水蓮池中者

頌曰飯食已畢撲鉢而坐童子茗供吹簫發火我作佛事
淵乎妙哉空山無人水流花開

眉山蘇軾

贊曰作五觀已楊枝淨身活火烹茗活水灌花是花倏起
代我說法而彼灌者一枯死骨

瑯琊王世貞

第十羅漢尊者



第十尊者執經正坐有仙人侍女焚香於前
頌曰飛僊玉潔侍女雲渺稽首炷香敢問至道我道大同
有覺無修豈不長生非我所求

眉山蘇軾

贊曰香以合之離則無有汝供非氣我受非艤仙人五通
此亦不通我無一道與汝皆空

瑯琊王世貞

第十一羅漢尊者

三才圖會

人物九卷

五十



第十一尊者趺坐焚香侍者拱手胡人捧函而立

頌曰前聖後聖相喻以言口如布穀而意莫傳鼻觀寂如
諸根自例孰知此香一炷千偈

眉山蘇軾

贊曰鼻息偶觸何從何著由是意消沉然真覺我此旃檀
價值羅浮剎那燼寒了無可酬

瑯琊王世貞

第十二羅漢尊者



第十二尊者正坐入定枯木中其神騰出於上有大鱗出
其下

頌曰默坐者形飛空者神二俱非是孰爲此身佛子何爲
懷毒不已願解此相問誰縛爾

眉山蘇軾

贊曰泯泯孤坐神騰其上誰爲侍者下有火鱗福不鱗報
業不我與汝喜卽我我嘆卽汝

瑯琊王世貞

第十三羅漢尊者



第十三尊者倚杖垂足側坐侍者捧面而立有虎過前有童子怖匿而竊窺之

頌曰是與我同不噬其妃一念之差墮此累身而道師悲愍爲爾嘖嘆以爾猛烈復性不難

眉山蘇軾

贊曰倚杖山岵有虎過之童子怖焉匿而竊窺我無分別不知爲虎汝無殺心虎不噬汝

瑯琊王世貞

第十四羅漢尊者



第十四尊者持鈴杵正坐誦呪侍者整衣於右胡人橫短
錫跪坐於左有蛇一角若仰訴者

頌曰彼髯而虬長跪自言特角亦來身移怨存以無言音
誦無說法風止火滅無相雙者

眉山蘇軾

贊曰梵音凌雲天樂不作而有訴者蛇而一角業由心造
誰汝當怨汝訴非訴我見非見

瑯琊王世貞

第十五羅漢尊者

三才圖會

人物九卷

五十四



第十五尊者鬚眉皆白袖手趺坐胡人拜伏於前蠻奴手持拄杖侍者合掌而立

頌曰聞法最先事佛亦久耄然衆中是大長老薪水井曰老矣不能摧伏魔軍不戰而勝

眉山蘇軾

贊曰是長老者鬚眉皆雪前汝來生後汝來滅汝若爲人終無了期若不爲人住此奚爲

瑯琊王世貞

第十六羅漢尊者



第十六尊者橫如意趺坐下有童子發香篆侍者注水花
盆中

頌曰盆花浮紅篆煙綠青無問無答如意自橫點瑟旣希
昭琴不鼓此間有曲可歌可舞

眉山蘇軾

贊曰有盆自花有鑪自煙我不豎意如義常眠童子何知
而水而火煙盡水涸無來溷我

瑯琊王世貞

第七十羅漢尊者

三才圖會

人物九卷

五十六



第十七尊者臨水側坐仰視飛鶴其一旣下集矣侍者以
手拊之有童子提竹籃取果實投水中餵魚
頌曰引之浩范與鶴皆翔藏之幽深與魚皆沉大阿羅難
入佛三昧俯仰之間再拊海外

眉山蘇軾

贊曰有魚比丘鶴勒那衆自業自緣謂佛操縱戾天躍淵
其樂匪真曷不聽法早棄此身

瑯琊王世貞

第十八羅
漢尊者



三才圖會
第十八尊者植拂支願瞪目而坐下有二童子破石榴以獻

頌曰植拂支願寂然如趺尊者所游物之初耶聞之於佛及吾子思名不用處是未發時

眉山蘇軾

贊曰童子得榴以獻其師如大輪王千子纍纍我以慈悲而乳法喜盡大地中孰非我子

瑯琊王世貞